

DE CLERICO AEGROTANTE
vel Debitato, Theses Canonica,

Quas

Dei Opt. Max. auxiliante gratia.

PERMISSV ETIAM,
SVBQVE PRAESIDIO NOBILISSI-
MORVM CONSVLTISSIMORVMQVE VI-
rorum Doctorum Amplissimi Collegij Iuridici Archi-
ducalis Academiae Friburgensis celeberrimae,
patrum & Antecessorum:

*Et in primis D. Christophori Angerer eiusdem facultatis
Decani spectatissimi, legumq; Professoris
Ordinary*

Confirmare & tueri conabitur mense Ianuario, die
21. horis ac loco consuetis.

V. M. J.

M. Theobaldus Henningius Dammerkirchensis.



Friburgi Brisgoiae, Anno
M. D. LXXXIX.

REVERE
NO, DOMIN
is, & hunc, &
Ferdin

T na
à
q

ad eccellente
ditatem: sic
nunt, in his
menta, ut m
mom quoq
rone, & pu
grem, hun
bilissimam
me valuit p
tanti soleb
ei dcmum
autem plen
gratiam, v
num, & ce
tamen, q
lubi, cum
ut egere vi
naturz lib
soleat & p
ximè sit p
ratio ipsa

REVERENDO, CLARISSIMOQVE

VIRO, DOMINO IOANNI RASSERO, PRAEPOSITO IN

Enshingen, & Ecclesia Enshemiana Rectori, Serenissimq; Principis

Ferdinandi Austria Archiducis consiliario dignissimo,

Mecœnati suo reuerenter colendo

S. D.



T est præclarum (Reuerende Domine Mecœnas) in ea arte potissimum excellere, quæ nos à rerum humilium studio deducit ad mores egregios, & ab his quæ profanis oculis patent, ad excellentem diuinarum legum, canonumq; vocat cupiditatem: sic ea cognoscere, quibus ad illam laudem peruenitur, in hisq; cognoscendis optimorum virorum experiri merita, vt maximum quiddam, ita difficillimum, ac rarissimum quoque. Sunt etenim multa, quæ à prima statim ætate, & puerilibus quasi exordijs studia mea non ad vulgarem, humilemq; artem, sed talem, & illarum propè nobilissimam conferre monuerunt, tua verò autoritas apud me valuit plurimum, quam ego tum, & hodie amplius, tanti solebam facere, vt quæcumq; probauerat rationem, ea demum utilis mihi, & honesta videbatur esse. Quòd autem plerisq; dandi beneficii eiusmodi sit ratio, vt eandem gratiam, vel eam cum fœnore recipiant: fortunam hominum, & conditionem potius isti spectare videntur. Non est tamen, quod quisquam arbitretur, vel in hoc Reuer: T. labi, cum & rarissime quidem contingat, cuiusquam opera vt egere videatur, quia tamen quamplurimis ob eximiam naturæ liberalitatem, atque amplitudinem benignè facere soleat & possit, cum de omnibus ad benè merendum maxime sit propensa. Ad quod enim confirmavit eam primò ratio ipsa, alit religionis obseruantia vera, pietasq; penè in-

A 2

credibilis

credibilis. Nam hæc est aliarum virtutum quæ in R. T. multæ sunt, quasi princeps, & Regina quædam. De prudentia, fide, ac humanitate, ne videar assentari, nihil dicam, nec de liberalitate quidem, quæ tamen ita nota est, ut non qui eam laudet assentator, sed qui non laudet, malevolus existimetur. Quæ omnia, maximè verò humanitas & beneficentia, in metuendo tanta fuerunt, ut non videam sanè qui possint in ullo esse maiora. Etsi verò nec minima quidem hic percescam, ista tamen respondere, foret mihi impossibile. An non, cum primum Enfishemianæ scholæ inter alios suæ disciplinæ alumnos, Henningium quoque numerare cœpissent, eundem continuè, non vulgari (ut solent) amore, sed summa etiam benevolentia complecti R. T. cœpit? ac ingenuarum artium exordia, quæ plerumque incipientibus difficilia, & amara consueverunt esse, ea non solum facilia mihi, sed pulcherrimis præmijs alliciendo, quoque reddidit iucundissima, quique plus curæ & sollicitudinis me iuuandò suscepit, nemo fuit. Vnde certè effecit R. T. ut ibidem tantò alacrius Logicarum artium studia prosequeretur ac eorum cupiditate flagrarem ardentius, quantò apud me R. T. quam reliquorum omnium consilia fuerunt, & ampliora & veneranda nimis. Cumque demùm altiora philosophiæ contemplari, ac olim utriusque Reipublicæ Christianæ exitijs, malisque mederi, & impendentibus calamitatibus occurrere; cogitarem diligentius: hanc præ cæteris Academicam, & sancta religione & summorum virorum fama, virtuteque florentissimam R. T. instigante eligere volui, quod Reuerentia Tua antiquius aut maius esse quicquam fatebatur, eamque mihi colendam commendasset vnice, illud, cum nihil magnificentius mihi, studijs verò optatius cadere potuerit, ut debui, facio libentius. Verùm cum in illa.

illa opinione, propositoq; , etiamnum hodie permaneam;
in quo si labore, studio & diligentia profici quicquam po-
test, ut certe potest; magnopere spero fore, ut neque Reuer-
Tua officij. & humanitatis in admonendo, neq; liberalita-
tis in adiuuando pœniteat. In cuius rei quasi specimen
quoddam; extabunt, Theses istæ Canonicae, ingenij mei te-
stimonium perexiguum. Quo tamen constaret generosa
mente indignum atque turpe me existimasse, nunquam
gratum exhibere ijs, quibus deberetur plurimum. Quod
verò hunc meum conatum tandem post binas juris ciuilibus
disputationes publicè habitas, sub nominis R. T. titulo di-
vulgandum censuerim, nihil est, quod ab officio, aut natu-
ra mea discrepet. Quomodo enim ignorassem, vel si quid,
in tanta etiam studiorum meorum contentione meditarer
sanctius, aut tractandum hisce temporibus afflictissimis su-
merem aptius, illud non & personæ, & dignitati tuæ con-
uenientissimū fore? Et hoc plus habui causæ, quod mense
vix tum elapso; magno cum honore; & Ecclesiæ commo-
do, in R. T. quoque visitationis munus collatum sit: Vbi in
Clericorum mores, vitam, corporis habitum, deformita-
tem, & cultum reliquum curiosius inquirere, à Sanctissi-
mis Ecclesiæ legibus discedentes, iure quodam reposcere,
multos cohortatione, doctrina, nonnullos lenitate qua-
dam ad meliora conuertere, omnes verò in fidei Catholicæ
propagatione, diuinisq; ministerijs alacriores reddere,
hortari: fuit hæc sollicitudo Reuerentiæ Tuæ & utinam,
quam facilè nouerunt; tam libenter imitarentur multi.
Quare rogo vehementer, ut quaecumq; hoc meum sit stu-
dium R. T. æquo accipiat animo. Siq; hanc meam dili-
gentiam probari sentiam, sanè meos labores non exiguo
seuictu compensatos existimabo, ac fiet, ut aliquando maio-

ea quoque dare, eodem pergam studio: illumque dolorem
quem nunc ex difficultate capio remunerandi, si non tol-
lar, minuat certè. Vt ut tamen res ista minima videatur esse,
pro amplitudine eorum, quæ à me cumulatè quidẽ repeti
possent, sed ut spero, muneris mei (aut si Christiano more
huicq; tempori congruentius loqui liceat) καὶ μνημόσυνον,
strenæque exiguitatem humanitatis magnitudo, propen-
sèq; voluntatis candor subleuabit: Et ut R. T. me, studiaque
mea tueri, tuendoq; augere clementer ac in posterum di-
gnetur, precor officiosè. Deus Opt. Max. R. Tuam quam
diutissimè incolumem seruet. Data Friburg: Brisgoiæ:
postridie Nonarum Ianuarij.

R.

T.

Observantissimus cliens

Theobaldus Hening.

Thesis prima.



M omnino debeat in sortem domini vocatos, animam, vitam, moresq; suos ita componere, ut nihil nisi graue, moderatum, ac religione dignum pra se ferant; sic etiam, quo maiore cum ornamento, utilitateq; in ecclesia Dei, & ministerijs eiusdem versari, esseq; possint, in his sacri canones, deformitatem, & alia corporis vitia vehementius quoq; despecterunt.

II.

Quia vero integritas Praesidentium salus optima sit subditorum, & grauius nusquam aliquid ruat, quam si non habeat subleuantem: Ideo de Episcopis primo, tanquam primis, & in culmine Clericorum positis, errores aliorum spectantes, hoc sequenti agemus ordine.

III.

Hi nimirum (aut si ampliore honorum titulo quidam praefulgeant) cum vel senio, grauiq; valetudine corporali, alione impedimento fuerint impediti perpetuo, ut amplius ad ecclesia gubernacula sedere, populoq; prodesse nequeant, recte quidem (nullo id iure prohibente) ab officio desistere possunt.

III.

Tum tamen de sui consilio, ac Capituli, vel maioris partis eiusdem consensu, & communi voto, vnum, vel duos Coadiutores assumere, ysq; Cathedram committentes, conueniant celerrime.

V.

Sin vero Episcopum, turbidis animorum motibus à ratione auersum consilysq; deuium esse, ut nec velle, vel nolle posse, constauerit. Idem Capitulum, vel dua eius partes in locum persona sic affluata Coadiutorem designare prouidè, diligenterq; cogitabunt.

Verum,

VI.

Verum, cum absq; sedis Apostolica autoritate, hic aliquid attentari, temerarium fuerit; ita sine ea facta, iuris firmitatem nullam habere.

VII.

Adeoq; ut licet Metropolitanus, summam aliàs potestatem provincia subiecta, & Episcoporum suorum habens, Coadiutorem dare vellet (ubi etiam necessitas exigeret) minimè possit.

VIII.

Unde si Episcopus, tanta etiam corporis imbecillitate oppressus, confirmatq; morbo viribus totus exhaustus, Coadiutorem assumere, vel habere nolit: Tunc Capitulum, quam citò poterit omnes Antistitis, Ecclesiæq; conditiones, & circumstantias uniuersas Summo Pontifici denunciabit.

IX.

Ab eodem (omni alia penitus cessante in nouatione) humiliter expectaturi, quid super hoc contigerit ordinari.

X.

Et ideo cum Episcopis ab Apostolo dictum sit, ut vigilent, in omnibus laborent, & ministerium suum fideliter adimpleant, sacri canonibus quoq; constitutum est, ut gregem suum custodiant, nunquam mercenariorum more deferant, aut sollicitudine temporalium vagentur frequentius.

XI.

Nam si huius necessitudinis, salutisq; obliti, aliaud iusta causa cessante, sex mensibus continuis extra diœcesin morando abfuerint, quarta partis fructuum unius anni, pœnam ipso iure incurrant,

XII.

Vel cum diutius Commissorum curam habere negligant, ac per alios quoq; sex menses in huiusmodi perseuerauerint absentia, altam quartam partem fructuum, eo ipso quoq; amittant.

XIII.

Imò, quod maius est, fructus etiam illos, quos pro rata temporis absentia suos facerent, pure, nec sine conscientia suspensione (ubi alia non sequuta sit declaratio) seruare haud possent.

XIIII.

Eò facilius iam concludendum, colligendaq, sententia, quam grauem omnipotentis Dei concitent iram, ac ob id quoq, maiorem sacrorum canonum mereantur indignationem, qui tardius ad oues suas redeunt, nihilq, cura sufferunt.

XV.

Quam ergo pœnam loci Superior, seu Ordinarius pauperibus erogare, aut ad ecclesiam fabricam, aliaq, pia loca conseruanda, referre, summa aequitatis ratione, seduloq, curabit.

XVI.

Porro, si nec cum propria salutis tantum memores, in aliquibus talis adhuc contumacia cresceret; Seueriori quoq, canonum censura in eos animaduerti necesse foret: Ita, quod Metropolitanus ipse sub pœna interdicti ingressus ecclesia eo ipso incurrenda infra tres menses hac omnia Romano Pontifici teneatur intimare.

XVII.

Qui in ipsos absentes, prout cuiusq, maior aut minor culpa exegerit, suprema sua sedis authoritate attendet, siq, nouerit expedire, ecclesiis ipsis de pastoribus alijs, ac utilioribus providere poterit.

XVIII.

Ideoq, cum valde periculosum sit, in rebus diuinis, vel consulto attentare aliquid: committendum ergo minimè, Episcopum ab alijs, quam potestate pontificia ecclesia vinculo separari, aliterq, eo adhuc superstitie dignitatem eius conferre, ullo iure posse.

XIX.

Hinc, licet eos, qui dominici gregis semel susceperunt curam, sollicitudinemq, ab administratione resilire non facile oporteat, ne accepti talenti pulchritudo deleatur, certis tamen de causis inri suo cedere, & renunciare possunt.

B

Quibus

XX.

Quibus deinceps, nec custodia pastoralis gregi fidelium desit longius, nec ut subordinari decet Episcopos, ab his scilicet quorum alias sede vacante, ecclesia providentum erat.

XXI.

Idem dicendum de ijs, qui non sponte officio sunt liberati, sed quibus vita (virtutis neglecto studio) scelerum turpitudine & flagitiorum conuicta prauitate, dignitatē ademit Episcopalem.

XXII.

Cum, iure inconueniens sit, aliquē proprijs militare stipendijs, merito Sanctorum patrum decretis inductum est, Coadiutori de prouentibus Pralatorum, quorum sc: assumperint praesidia ferre subueniendum esse.

XXIII.

Quia tamen Ordinario, quousq; mortalitatem experiatur de redditibus sis prouidendum; sumptus isti tales erunt, ne se egeat ipse, moderati & sufficientes.

XXIII.

Interi n̄ vero, maxime eum nouisse oportet, officium Coadiutoris summa diligentia semper esse faciundum, & anteponenda commoda damnis, sibiq; rerum ecclesiasticarum alienationi consentire, prohiberi penitus.

XXV.

Rationem enim non solum Pralatis ipsis (si sane mentis postea extiterint) ac capitulis eorundem, sed & ipsorum successoribus (si hoc an se non fecerint) plenariam reddituri.

XXVL.

Num vero beneficia conferre, aliq; huius generis expedire queat (qui alienare sit prohibitus) sententia Canonistarum varia sunt: Nos tamen disputandi, veritatisq; habenda gratia, conferre posse tenebimus.

XXVII.

Haud minorem in alijs habiturum potestatem existimantes, cum Episcopalem iurisdictionem exercere, pontificalia administrare, & similibus huius eminentissimi ordinis omnibus fungi possit.

Vnde

XXVIII.

Unde cum Laicos in spiritualibus, rebusq; commercio, & usu hominum penitus exemptis versari dedecet. Ideo Coadiutores dari posse (alijs etiam aduersi plurimum molientibus) rectè negandum sumpsimus,

XXIX.

Aliud tamen in Religiosis obseruari non ambigentes, etiam si strictioribus viuendi regulis, lociq; solitudini addictos esse conflict, ab hoc officio prohiberi, iure certo tantum non inueniri.

XXX.

Multum iterum dissimilis est à prioribus hic casus, quando fœminam viro, virumq; fœmina substituendum, dissitemur, rectius tamen sensisse visi, Abbatisse fœminam aliam quoq; surrogari, concedentes.

XXXI.

Paruo admodum nunt labore, eadem ferè, quæ de Episcopis (supremos nimirum Clericorum titulos referentibus) breuiter à nobis comprehensa sunt: De inferioribus quoq; prælatis ac personis ecclesiasticis reliquis, dici posse, progrediendo asseremus.

XXXII.

Nam cum graue sis afflictio afflictionem dare aliã. Non ergo ob id Clericũ, quem ecclesia sua deseruire prohibet infirmitas, stipendijs suis consuetis priuari, sed integrè de redditibus, prout in sanitate respondere, iuris & humanius erit.

XXXIII.

Neg, difficultatem habet, siue id de præbendis ipsis commodisq; beneficiorum, aut quotidianis distributionibus simul accipi arbitremur.

XXXIII.

Verum cum maxima deformitas in Clero nonnunquam generet scandalum populo. Huic igitur cui medietas palma cum duobus digitis abscissa est, missam celebrare, Pontificum interdictum est consilijs, licet cateris sacerdotibus quidem fungi possit.

XXXV.

Quantò magis ergo prædictis standum erit, si quis integra manu mutilatus, fraudulenter tamen ad dignitatem aliquam promoueri se passus sit: tunc & dignitate, & ordinis officio prohiberi debet.

XXXVI.

Mitius iterum agendum cum eo, cui ungula tantum digiti esset auulsa, potens nihilominus ad tractandū sacrum mysterium, aliudue non obstaret impedimentum canonicum; talis in officio turbandus non est.

XXXVII.

Diuersum denuo præcipere in eiusmodi Sacerdote, qui adeo claudus esset, ut ad altare sine baculo ad celebrandum ascendere, vel redire nequeat, facis rationis, & iuris nostri certa imago.

XXXVIII.

Sicut nihil à sententia canonum alienum erit, idem assensu rare, vel in eo sine causa virilia sibi abscindente, etiam inde mereri credens, is enim altaris mysterium tractare, aliq̃ sui officij, non nisi cum Episcopi dispensatione expedire, maximopere hortari, ac coerceri debet.

XXXIX.

Ecclesie quoq̃ Rector usq̃, adeo lepra macula infectus, ut diuinis ministerijs adesse, populiq̃ salutem procurare nequeat ulterius, Coadiutoria tamen manu curam gerat animarum.

XL.

Aut si non magno absq̃ scandalo, populiq̃ abominatione inter homines versari, esseq̃ possit, omnibus alijs, & ab ipso ingressu ecclesie prohibendus est.

XLI.

Sed aliter se habet, ubi quis valetudinem quidem sentiret afflictam, nihil vero tristius inde formidans, puta quartana febri, astuq̃ labores, integram sui ordinis seruabis potestatem.

Ut igitur

XLII.

Ut igitur Clerici, ob corporis morbum vehementiorem, non raro suorum officiorum administratione mouentur: Ita quoq; si grauiori afficiantur animi dolore, vel caduco tangantur morbo, aut epileptico vi: Ti, caderent.

XLIII.

Nedum hi, cum in terram accepti, falsis iterum spiritibus eliduntur, aut quolibet modo vexationis incurfibus effertur, sacris audeant ministrare altaribus.

XLIII.

Quibus tandem omnibus, donec vniuersa carnis viam ingrediuntur, iuxta facultates ecclesie, necessaria suppeditari debent.

XLV.

Verum, ordinario nē, vel Coadiutori ex fructibus, qui duobus non sufficiant, prouidendum sit? scire hic difficultus est, tum tamen (licet altissima quoq; Dd. ingenia hic immersa disfluant) textibus iuris conuenientius dixisse videbimur si agrotanti subueniendum censeamus.

XLVI.

Officium vero Coadiutoris, sine maioris regiminis curam, siue minoris quoq; gesseris; expirat, causa cessante prima, aut morte interueniente alterius.

XLVII.

Nec refert, an quis mortem naturalem, vel ciuilem, tantum interuenisse pratenderet: ut quia renunciauerit, beneficio cesserit, vel aliās dignitate motus sit.

XLVIII.

Coadiutorem autem dare, cum futura successione non oportet; nisi in illo qualitates omnes synodalibus constitutionibus requisitas concurrere, causamq; Romano pontifici diligenter cognitam fuisse, manifestum esset.

Hinc exemplo perniciosum est, Episcopos, aliasuè personas ecclesiasticas priuato tantum iudicio sibi successorem eligere, aut in uiuis, quandoq; alium instituere.

L.

Maximè demum canonibus innisum est, ex humano affectu, & ambientium suggestionibus uelle ecclesia columnas erigere, nec quos plus prodesse, sed pro quibus maiorum quispiam rogasse, uel amicos esse, constituerit.

Q V A E S T I O

I.

Cum cuiq; in rebus suis liceat, quod lubet, earumq; moderationem, & arbitrium habeat liberum, querunt Canoniste.

Num Clerici concubinis suis aliquid donare ualeant?

II.

Et hoc natura, rationiq; conuenientissimum est asserere, parentum bona filiorum uoto parari, dubium tamen est.

An ydem Clerici spurios suos successores habeant?

Problema.

Verum deniq; iura proximis cognatis hereditatem eorum adijciant?

F I N I S.

Carmen Elegiacum

Ad

DOCTISSIMUM DOMINVM M.

Theobaldum Heningium V. I. Candidatum
suum familiarissimum amicitia
ergò scriptum.

PER

M. Adamum Cellarium Sanctimontanum.

EN Euplea venit longi exoptata laboris,
Iamq; triumphandi proximus instat honor.
Sub lare privato satis est latuisse silentem,
Sensit Amycleus damna tacendo diu.
Profer opes tandem, tibi quas Astrea reliquit,
Doctrinae titulos, & licitare novos.
Rumpemoras, res est precij dignissima tanti,
Magna quidem res est: maius at est precium.
Curq; volent aditus aduersæ, claudere turma,
I, contra sortis, neu meditare fugam.
Succinctus legum clypeo formidine nulla
Oppones telis terga, quibusq; tua.
Tum Pallas ramum paccata tendet oliuæ,
Semper proturbastat Dea, namq; sua
Agmine doctorum medio statuisse trophæum;
Ad summum laus est usq; vehenda polum.
Si patria fines nunquam liquisset Achilles,
Fama per Iliacos nec volitasset agros.
Hoc ita deuicto placitam certamine pacem
Inter pugnaces plande parasse manus.
Verus honor proprijs virtutis surgit ab ausis,
Indigetes Themidos sedula cura facit.
Talia non superi vendunt Encomia nummis;
Sed flebit solus numina sancta labor.

B 4

Idz

*Idq; ego te solo certus vel teste probarim,
Cuius cingebas nocte dieq; latus
Ingenuas primis artes amplexus ab annis,
Taduit excubias non tenuisse tuas.
Et nunquam Charitum cessabas, visa fatebor,
Impiger ad clausas institor effiores.
Hinc sine multiplici nolebas arte redire,
Alcmaon quondam cen fuit are gravis.
Illarum doctrina iuuat spaciosi iurus amantes,
Et facili accessu pramia monstrat iter,
Hac aditus legum rectus fuit absq; recessu.
Quem multis alijs denia curua negant.
Hac duce passa tibi inris sunt atria longa,
Hac cynosura facem pratulit atq; tibi:
Quocirca poteras melius contenta, parare
Qua sunt Casareis, pontificumq; libris.
His fructu ergo, precor, studijs feliciter, atq;
Amplifica patria commoda quaq; tua.
Nec prius abscindat Lachesis tua flamina vite
Quam veniant voto cuncta petita tuo.*

FINIS.

